



Inatsisartuni ilaasortaq, Hans Enoksen, Naleraq
/ maani

Ineqarnermut akiliutinik appaanissaq pillugu § 37 naapertorlugu apeqquteqaammut 2022-090-imut akissut

27-06-2022
Suliaq nr.: 2022 - 10263
Id nr. 77430626

Asasara Hans

Inatsisartut suleriaasianni § 37 naapertorlugu ineqarnermut akiliutinik appartitsinissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Aallarniutigalugu erseqqissaatigissavara, Inatsisartuni partiit siuttuisa oqallitsinneqarnerini 27. april 2022 Siumup Siulittaasuutut oqaaseqarama, Naalakkersuisutut oqaaseqarnanga. Taamaattumik apeqqarissaarnermi akissuteqaatikka tassunga attuumassuteqarput

1. Ineqarnermut akiliutit apparneqassasut Ineqarnermut Naalakkersuisoq oqariartuuteqarpoq tamannalu ineqarnermut attartornermi appaanissaq qaqugu pilersaarutaava?

AKISSUT: Ilimagivara Inatsisartuni partiit siuttuisa oqallitsinneqarneranni ulloq 27. april 2022 pisumi oqallitsinneqarnerini Siumup Siulittaasuutut apeqqarissaarneqarnera aallaavigalugu apeqqutit nassiussimagitit. Apeqqarissaarnermi tassani oqariartuutigisakka tassaapput partiip ineqarneq pillugu anguniagaanik aallaavillit.

Ilisimatitsissutigisinnaavara Naalakkersuisutut maanna suliama pingaernerit ilagilluinnarmassuk, inissiani attartortittakkani najugaqarnermi qanoq aaqqissuusseqqittoqassanersoq, minnerunngitsumillu aserfallatsaaliorneqarsimanngitsut kinguaattoorutit aaqqiiviginissaannut qulaajaatitsineq ingerlanneqaleruttorluni. Tamannalu qulaajaaneq aasap kingorna naatsorsuutigaara kommuuninut aammalu Inatsisartuni partiinut saqqummiunneqarumaarluni.

2. Ineqarnermut Naalakkersuisoq siulittaasut apeqqarissaarfigineqarnerani oqaluttarfimmiit oqaatigaa Kapitalafkast ineqarnermut akiliutinik peerlugu appaasoqassasoq, kapitalafkast peerneqarpat aningaasat qassit tassani eqqartorneqarpat?

AKISSUT: Inatsisartut Siulittaasuata ersarissumik oqaatigisaqattaagaatut aammalu Inatsisartut Siulittaasuqarfiata partiit siuttuisa apeqqarissaarneqarnerinut suleriaaseq akuerisimasaat aallaavigalugu apeqqarissaarneq partiit siulittaasuinut ingerlanneqartarpoq, Naalakkersuisunuunngitsaq. Taamaattumik apeqqutit Inatsisartuni suleriaaseq paragraf 37-mi allassimasuni piumasaqaatinut naapertuutinnngimmat

apeqputit Naalakkersuisutut akissuteqarfigissanngilara.

3. Kapitalafkast peerneqarpat aningaasat annaaneqartussat suminganiit matuneqassappat?

AKISSUT: Akissutigisakka nr. 1-miittut innersuussutigissavakka.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

A handwritten signature in black ink, appearing to read 'Erik Jensen'. The signature is written in a cursive style with a large, looping 'E' and 'J'.

Erik Jensen